

HISTORIA INDEPENDENTIÆ.

In qua

Describitur Ortus, Incrementum & fraudes potentissimæ & inquietissimæ

F A C T I O N I S

*Que Regem obtruncavit, Regnum pene ever-
tit, & nunc intolerabilem in omnes
regnicolas exercet*

T Y R A N N I D E M.

D. Ambrosius,

*Nec nobis ignominiosum est pati quod passus est Christus, nec
vobis gloriosum est facere quod fecit Iudas.*

Ad exemplar impressum

LONDINI, Clō Iōc XLVIII.

Clarendon

56 p.

AD LECTORES.

Qui paulò attentius legerit hanc Historiam à viro Politico in Anglia scriptam, facile videbit quod genus hominum Scenam illam Tragicam in Regno instruxerit, quique præcipui authores fuerint execrabilis illius parricidii: nec dubitare poterit gentem bellicosissimam subjugatam ab hominibus vilibus & qui Religionem pro prætextu habent, ut aliorum insidientur Libertati.

H I S T O R I A I N D E P E N D E N T I Æ.



Ntequam Historiam hujus Monstri aggrediamur; operæpretium est scire, quid sit I N D E P E N D E N T I A; est *genus Generalissimum omnium errorum, Hæresium, Blasphemiarum & Schismatum.* Vt Alcoranus Mahumetis est mixtura quædam Iudaismi & Christianismi; ita hæc composita est ex Iudaismo, Christianismo & Turcismo. Independentes enim cum Iudæis sibi arrogant, quod sint peculiaris Dei populus, pii, sancti, soli habentes jus in creaturas omnes & veri possessores omnium Mundi bonorum, quorum alii tantum sunt usurpatores: Axioma tam contrarium omni humanæ Societati & politico regimini, ut per ipsum liceat ipsis, atque adeo moliantur per fraudes & vim, onerare tributis, fallere & spoliare totum Regnum, quod judicant haud aliud esse quàm furto surripere Egyptiis; atque hoc prætextu evertunt omnia tribunalia, Leges & Libertates terræ, & erigunt arbitrarias commissiones, & instabiles constitutiones, quas figunt & resigunt per prædominantem ipsorum factionem in Parlamento prohibitu, potentia & terrore suorum Ianissariorum, ad fores illius excubantium.

Cum Christianis quidam illorum (non autem omnes) recipiunt & agnoscunt S. Scripturas; Sed tantum quatenus serviunt illorum usui, quasi ipsi essent Pharisei, & cæteri Publicani; Spirituali arrogantia inflati, meri Enthusiastæ & Hypocritæ.

Cum Turcis subjiciunt sibi res omnes, Religionem
a 2 ipsam,

ipsam, *Leges & Libertatem* (quam antè tantopere jactârunt) potentia armorum, postquam vaftris artibus gladium Status conjurârunt in vaginam independentem. *Comes Essexia*, Generalis copiorum Parlamenti (licet vir popularis & honestus, tamen stolide audax, & manu promtior quàm consilio quique magis nôrat vincere quàm victoria uti) amovendus erat, & copia illius exauctorandæ, uti & *Wilhelmi Walleri* equitis; ut ductores independentes & milites ipsis obnoxii in illorum locum substituerentur, & meterent quod ab illis haudquaquam erat satum. Propositum quippe erat Independentibus, potentiam omnem & arbitrium armorum ad se pertrahere. Id haud facile perfici poterat, quam committendo *Essexium & Wallerum* inter se; ad id præservidus ille *Schismaticus Arthurus Haslerigus* Eq. adhibitus; verùm id demum perfectum utriusque mala fortuna; illius ad *Lisithyl* in Cornubia; hujus ad *Denizas* in Wiltonia. Vbi *Haslerigus* (vir ignorantior quàm ut regeret, & insolentior quàm ut pareret) non expectatis pedestribus copiis; cum equitibus tantùm in elivum editi montis enixus, impetum fecit in *D. Wilmoti* copias, verùm cum turmæ ipsius ita longè à se invicem separatæ essent, ut una alteri subsidio venire non posset, & *Radulphum Hoptonum* imminenti cladi eripuit, & *Wilmoto* inopinatam victoriam reliquit; ipse vulnere in fugâ accepto, post illa semper à prælio abhorruit. Quæ ipsius stoliditas, non modo haud fuit castigata, sed & paulò post à Domo Communium præmium accepit 6500 lib. Et gubernator *Novi castri* factus; 3000 lib. cepit ad opera relarcienda; quarum haud credo illum tertiam partem impendisse.

Manchestrius (Dominus, & cui propterea tuto fidi non poterat) accusatus fuit à *Cromvello* Locum-tenenti generali ma-

5

magnorum criminum, qui illi vicissim gravia crimina intentavit, verum cum omnes solliciti essent de eventu, apparuit rem ex composito geri, ita ut omnes judicarent utrumque reum: & Manchestrius interea fuit amotus ab exercitu. E cineribus illis tandem surrexit Phœnix ille scilicet exercitus sub imperio *Thomæ Fairfaxii* eq. viri stolidi & brutaliter ferocis, magisque idonei aliorum consilia sequi, quàm suum, obnoxii præterea *Cromwello* & Independentium factioni, cujus fundo insistit, ob hanc promotionem.

Placuit Deo multas huic exercitui largiri victorias de Regiis copiis, amplis quidem, sed debilitatis per factiones, stipendia non soluta & alias distractiones (ob quas plurimi ducum alii aliis diffidentes, suæ salutis cœperunt consulere) sed potissimum ob amissum populi favorem. Ad has victorias plurimum contulerunt, stipendia constanter soluta, supplementa, cæteraque subsidia à concurrente Statu, longe supra ea quæ præcedentes copię habuerant: quare & hostiles copias intra oppida & munimenta adegerunt, omniaque ipsorum præsidia tam facile ceperunt, ut multis viderentur *potius cauponari bellum quàm belligerare.*

Factio itaque hæc nacta idoneum Generalem, & Locumtenentem generalem, ejusdem cum ipsis judicii & fortis, operam dedit ut hunc famosum & popularem redderent, attribuendo illi etiam res ab aliis bene gestas, in libellis qui spargebantur in vulgum; siquidem re penè confecta mittebatur ille ut absolveret & aliorum gloriam præriperet. Atque ut exercitus melius congrueret *Cromwello*, sectarii omnes Angliæ invitati, & pedetentim, semotis per varias artes Presbyterianis Independentes in illorum locum suffecti, licet nunquam ante arma gessissent:

ita ut ille exercitus (qui gloriatur se regnum conservâsse, atque adeò subjugâsse) non amplius sit idem cum eo qui pugnavit ad *Nazeby* reipsa, sed tantum nomine tenus.

Vt autem Lex daretur Regi, Regno, Parlamento & Vrbi, & Chimæra illa progigneretur, quam vocant *Liber-tatem conscientia*; opus erat hunc exercitum perpetuò ali; atque hanc ab ipso initio fuisse *Cromwelli* ambitionem, tum ex iis quæ à Manchestrîo illi fuere objecta & industriè suppressa, sit verisimile, tum verò potissimum ex iis quæ postea designavit, sit infallibile.

Vtraque Domus Parlamentî, ad levandam oneribus plebem, decreverat in pleno & adhuc libero Parlamen-to, dimittere magnam partem copiarum, & tantum quin-que millia equitum, mille cataphractus & paucos sclope-tarios alere ad incolumitatem Regni, & subsidia mittenda in Hiberniam. Atque in hunc finem sumserant mutuo ducenta millia librarum ab urbe (nam simili summa exer-citus Scotorum fuerat dimissus) & pro reliquis stipendiis nondum solutis securitas data fuerat militibus dimittend-is, sine ulla exceptione, qualis numquam aliis ante fue-rat data; nec fortassis aliis umquam dabitur: ita ut mili-tes conjecerint non tantum in damnum, sed & in Laby-rinthum, detinendo illos, sine imò contra legalem autho-ritatem, sub signis; & manifesta sit proditio & rebellio, ut totum Regnum sentit; neque possunt subsecuta Parla-menti decreta (quæ omnes nôrunt per violentiam extorta, ut postea liquebit) ab isto crimine illos liberare. Ad hoc decretum perferendum plurimum conduxit *Cromwelli* pro-testatio, manu pectori admota in ipsa Domo, *in præsentia Omnipotentis Dei, coram quo stabat, se nôsse exercitum dimissio-nem admissurum, & arma ad ipsorum fores depositurum, quan-documque juberetur*: quod malitiosè à Cromwello factum ut exer-

exercitum à Presbyterianis magis alienum faceret, & cùm Independentibus arctius conjungeret: nôrat enim milites nihil magis abominari, quàm dimitti & ad negotia sua redire atque ideò odisse authores hujus consilii. Eodem tempore, quo hæc in Domo protestabatur, habebat suos *Agitatores* (Spiritus, quos ipse & gener illius *Iretonus* exci-
verant in exercitu, licet postea suppressi fuerint sine ullo præmio) ut milites incenderent & animarent contra majorem partem Domus, (sub prætextu Regalistarum, malignantium, & inimicorum exercitus) eosque moverent ad dimissionem refutandum, & transfretandum in Hiberniam, & proditorie commentandum super dictum decretum, petendum actum indemnitis, & sequendum sententiam Iudicis *Tenkins*, utrum validus esset necne actus ille, & petendum alia multa, partim pecuniaria ut milites, partim publica ut politici.

Cum *Cromwellus* ad hunc modum exercitum concitasset ad tumultuandum contra Parlamentum, & planè suum fecisset (quod ipsi haud difficile fuit, cum jam ante pleraque officia distribuisset inter agnatos suos, fœderatos & amicos) properavit ad exercitum metuens ne fraudibus suis jam patentibus, in carcerem conjiceretur: in quo ipse atque Ireton, usurpantes officia sine commissione omnia egerunt. nam commissiones eorum jam expiraverant, & Fairfaxius non habebat auctoritatem legitimam, generales officarios creandi. Atque uterque jam palam exercitui se adjunxit ad *Novum-Mercatum*, in Machinationibus, declarationibus, Remonstrantiis & Manifestis: Petitiones ab ipso *Cromwello* scriptæ mittuntur ad quosdam Comitatus, subscribendæ à plebe adversus prætensores obstructores Iustitiæ, invasores Libertatis populi, in Parlamento; & exercitus concitatus ad clamandum, *Iustitia, Iustitia*, contra

tra illos : grandia & proditoria postulata, destruentia fundamentales immunitates Parlamenti, vulgo sparſa : quorum multa, quietis cauſa & miſericordia ſanguine manantis, Hiberniæ indulta fuere : nihilominus quietis impatientes hi Spiritus, impudentem petitionem unam ſuper aliam accumulabant : & licet, tam per literas quàm aliter, promiſſiſſent, ſi præſentes petitiones concederentur, ſe acquieturos, tamen eludebant atque adeo evertabant ſpem omnem pacis, per perverſas apprehenſiones & interpretationes conceſſionum Parlamenti: ita ut poſt illa Parlamento continuo luctandum fuerit cum hac Hydra, & hoc ſaxum indefeſſè volvendum.

Corrupto ad hunc modum Exercitu, majus opus aggreſſitur *Cromwellus*, & rationes inivit Domi ſuæ, quibus interciperent loca omnia præſidiaria, armamentaria & majores machinas Oxonii ; atque adeo Regem ipſum Holdenbyi ; quod & per ſuum ſatellitem *Ioycium*, cum delecta turma equitum, perfecit : licet poſtea (recurrens ad familiarem ſuam conſuetudinem cum Deo) proteſtatus fuerit coram Deo apud Regem & Parlamentum, ſe hujus facti nequaquam conſcium fuiſſe ; addens proteſtationi ſuæ execrationem conjugis & liberorum ſuorum ſi falleret : *Ioycius* tamen non modo impune id tulit, ſed & præmium, illo annitente accepit. Et licet utraque Domus poſtuläſſet ab Exercitu ut Rex duceretur Richmondiam, & traderetur in manus deputatorum Parlamenti ut utriuſque Regni incolis liber pateret ad Regem accéſſus (ante enim ſecluserant & illuſerant Scotiæ Deputatis, contra Legem Nationalem, & ſtatuta utriuſque Domus ; cum libere hætenus admiſſiſſent deſperatiſſimos Regiarum partium :) ætamen haud aliud à perverſis hiſce Sanctis tulerunt reſponſum, quàm, ipſos deſiderare, *ne ullus locus Re-*

9
gia residentia proponeretur proximior Londino, quàm ubi & exercitum stativa habere vellent. Id verò conveniebat cum eo quod sæpius minati erant, quotiescunque illis aliquid præter expectationem acciderat, se versus Londinum castra moturos. Nôrant enim quàm periculosi & incommodi hospites ibidem essent futuri.

Quantoperè degeneravit hîc exercitus, postquam Cromwellus & gener illius Ireton, mores illius novis principiis intoxicavit! Cum, (ut Anglia rediviva narrat pag. 247.) clanculum fuisset suggestum à quibusdam Curialibus, Regem in animo habere se credere exercitui, si sciret se receptum iri. ea hinc fuit illorum fides, ut considerantes id derogaturum esse honori & potestati Parlamenti, & propterea non posse consistere cum ipsorum fidelitate & obsequio, significârunt illud Parlamento, & postquam resciverant id ipsius sententiæ adversari, absolute negârunt tale quid admittere. Ohe quàm fidi tunc! quàm perfidi & Cromwellisati nunc! frequens eorum collatio cum Rege & illius partibus, ad terrorem Regni, & deceptionem Regis, testetur.

Ad hunc modum Regis compotes facti (*Prima* & maximè visibilis authoritatis legalis in Regno Angliæ) deinceps moliti sunt & Parlamentum (*Secundam* legalem authoritatem in Anglia) in suam potestatem redigere. Id verò perfici non poterat, nisi ex utraque Domo onerarent *Presbyterialia membra* (potissimum maxime habilia, & quæ laboraverant illos exauthorare) ut Independens Parlamentum Regnum gubernaret. In quem finem miserunt ad Domum Communium, sub nomine Fairfaxii & Exercitus, generalem & confusam accusationem læsæ Majestatis & aliorum criminum, adversus undecim membra, ob res actitatas (maximam partem in ipsa Domo) qualque

Domus dudum antè examinaverat, & hos ab istis absol-
 verat, & quorum *Cromwellum*, & *Iretonum* manifeste esse
 reos totum Regnum novit. Vnum è præcipuis hujus accu-
 sationis capitibus erat, *ipsorum potentiâ factum fuisse ut dimis-*
sio Exercitus decerneretur. È quo liquet ubi potissimum cal-
 ceus illos urserit. Hæc accusatio haud subscripta erat ab
 ullo delatore, qui nisi crimina probâsset, se pænæ obno-
 xium faceret & qui promitteret se Domui & accusatis sa-
 tisfacturum: ut oportebat, secundum Statuta, x x v E-
 duardi III. cap. 4. x x v I I Ed. III. cap. 18. x x x v I I I
 Ed. III. cap. 9. x v I I Rich. II. cap. 6. x v Henr. v I
 cap. 4. sed præcipue x x x I Henr. V I cap. 1. in quo agi-
 tur de *Iac. Cade*, qui casus proximè accedit ad hunc no-
 strum. Et profitebatur art. 2. 3. 4. *se minus animatos esse*
ad porro serviendum Parlamento, aut ad liberandum Hiberniam;
postulabantque à Domo, ut accusata membra quantocius à sessione &
deliberatione suspenderentur. Cum autem Domus Commu-
 nium, post maturam deliberationem in plenario & libero
 Parlamento, conclusisset xxv Iun. 1647. secundum Re-
 gni Leges ejusmodi suspensionem decerni non posse super
 generali accusatione, antequam particularia producantur
 & probentur: Exercitus tamen (qui jam didicerat non
 acquiescere nisi suæ prudentiæ & justitiæ) insolenter mi-
 natus est, se moturos Westmonasterium versus, contra Par-
 lamentum, nisi undecim illa membra secluderentur, pe-
 tebantque à Londinensibus ut se neutris adjungerent, sed
 ipsis permetterent agere cum Parlamento. Quapropter
 x I illa membra modestè se subdlexerunt, ut Domum li-
 berarent à periculo, quod potuisset incurere; si ipsa pro-
 texisset, uti decebat. Post illa misit Exercitus particula-
 rem illorum accusationem, & famoso quoque libello edi-
 dit propria authoritate. Ad quam & x I illa membra sub-
 mise-

miserunt & publicârunt sua responsa. Exercitus autem actionem illam non est prosecutus, prætendens se velle prius Regnum componere, verùm si expectent donec hi focii, aut habeant authoritatem, voluntatem aut industriam Regni componendi, non est opus ut accusati se parent ad defensionem ante extremum iudicium. Habes hîc integrum exercitum Accusatorum, & præcipuos officarios exercitus (membra & ipsa Domus) non tantum accusatores, sed etiam partes, testes, & Iudices, circumferentes tribunalia & Leges secundum quas iudicant, in suis vaginis. Et accusatio hæc, ut omnes nôrunt, *mutatis mutandis*, magis congruit in *Cromwellum* & *Iretorum*, quàm in accusatos. Si Processus illi sub nomine Regis, contra quinque illa Membra, *proditoris fuerunt adversus Regem & Parlamentum iudicati*, & arrestatio quorundam illorum per Warrantum Regis, *Actus publica hostilitatis contra Rempub.* quanto magis proditorii fuere hi Processus, & exercitus morus versus Londinum ad vim ipsis inferendum, & arrestatio *Ant. Nicholls*, qui veniam secedendi à Domo impetraverat, & saluum conductum habebat ab Oratore, & *Col. Burgh* qui ad servitium Domus proficiscebatur in Hiberniam, & *Samuelis Luca* qui se quiete domi suæ tenebat? Dum hæc agebantur, *Cromwellus* animadvertens se Parlamentum non posse habere sibi obnoxium, nisi Urbem Londinensem, (quæ Neutralitatem refutaverat) faceret sibi inimicam; meditatus est benevolentiam populi terræ sibi conciliare; (periculosum quippe fuisset simul urbem & terram inimicas habere, eo statu in quo exercitus tunc erat constitutus) quapropter editis multis libellis & chartis sparsis per totam Angliam per Agitatores suos, & itinerantes prædicatores (quorum pulpita aptissima sunt ad fallendos simplices) instar *Abfolonis*,

queritur de oppressiōibus & oneribus plebis, suadetque neglecto Rege & Parlamento, applicare se Exercitui, *uti unico ipsorum liberatori, arbitro Pacis, restauratori Legum, Libertatis & proprietatis, constitutori Religionis* &c. molientis Regem confirmare in justis suis juribus & prærogativis, conservare privilegia Parlamenti, confirmare Religionem; reformare & cogere ad rationes reddendas omnes Commissarios, sequestratores, omnesque alios qui manus suas contaminârunt publica pecunia aut bonis; liberare populum ab excisis & aliis tributis; reformare illegales electiones membrorum: auxilium ferre Hiberniæ. Impossibilia omnia quæ ab exercitu perficiantur; & nunc penitus neglecta; ita ut pateat solum intendisse privatis postulatis ut milites; nimirum ut Parlamentum eos agnosceret pro suo exercitu, stipendia ipsis solveret: omnem militiam Regni tam maritimam quàm terrestrem traderet in ipsorum potestatem, & decerneret contra omnes adversantes copias. Verùm nunc tantum facti sunt prolectores corruptorum Commissariorum, sequestratorum, & eorum qui tenentur rationem reddere Statui, atque adeò omnium aliorum facinorosorum, qui conantur hunc Exercitum retinere ad privatam suam securitatem, contra publicam justitiam.

Cùm ita sibi arripuissent Regni jura & interesse, populum quoque ad eum modum fefellerunt, ut instar *Jfsachar* cogerent patienter tolerare gravissima onera liberorum castrorum: Exercituique supplicare pro se per libellos supplices, quibus interdum dabant plausibile responsum, hanc aut illam esse exercitus mentem, haud aliter ac si sententia exercitus suprema foret Lex terræ, & petere à Parlamento ne exercitus dimitteretur: in quem finem Agitatores illorum circumferebant libellos supplices
jam

jam paratos ad subscribendum, in pluribus Comitatibus.

Populo ad hunc modum soporato fatagunt litem movere tam Parlamento, quàm urbi (quia separare nequiverant utut saltem Presbyterianæ parti utrobique: submoverant castra sua (sub specie obediendi mandato Parlamenti) x x x mill. à Londino (de quo sæpe gloriantur in suis libellis) tantumque terrorem incusserant utrique Domui Parlamenti, ut plerique Presbyteriani aut subducere se vellent (ut ~~sane~~ nimis multi fecêre) aut à propriis principis recedere: cum tamen præter expectationem, viderent reliquias illius partis adhuc adversari suis conatibus; invenienda erat causa ob quam se moverent contra urbem, & domos Parlamenti validiori cathartico purgarent.

Exercitu itaque ad hunc modum instituto, & ad nutum *Cromwelli* parato, & populo soporato; tempestivum videbatur urbi controversiam movere, ut improbis mediis assequeretur, quod rectis non quiverat efficere; ut cogeret urbem deserere Parlamentum & ab illo se separare; illique legem ferret secundum militiæ libidinem. Non existimabat prudentiæ congruere, huic civitati, quæ comparem ipsius & sodalem *Waltherum Tyterum* (idolum Communium tempore Richardi I I) cæciderat & sequaces illius (qui quater numero excedebant hunc exercitum suum) fugârant, relinquere propriam suam Militiam; cum urbs jam multo major, populosior & potentior sit quàm tunc. Vtraque Domus, in pleno & libero Parlamento, per decretum factum iv May 1647 commiserat militiam urbicam, in manus civium illorum, qui Parlamenti autoritate & approbatione à D. Majore, Aldermannis & communi Concilio erant electi: & licet exercitus novis delectibus auctus fuerat sine autoritate, & potentiam universam terrestrem regni sibi adjunxerat sub

stipendiis Parlamenti, ita ut jam ipsis nihil formidandum foret, præter propria crimina: & expectaretur illos jam tandem progressuros ad publica remedia, de quibus toties gloriati erant in publicis suis libellis: Exercitus tamen (contra quàm promiserunt urbi in literis suis x. Iun. & declaratione sua xiv Iun. 1647 nimirum *se nolle progredi citra postulatam tunc expressa & quoad cetera se acquieturos equitati & prudentiæ Parlamenti*; eam eorum Modestiam! per literas & Remonstrantiam, sub nomine Fairfaxii & Exercitus, irresistibili audacia postulat militiam Urbis Londinensis restitui in manus suas (depuratis urbis qui tum in Exercitu erant nequaquam monitis) ut societatem mutuam conservarent. Quibus literis acceptis, Domus Communium sola (admodum infrequens, pluribus membris per minas abactis) votavit abrogationem decreti superioris & tulit novum decretum restaurandi veterem militiam, & statim misit ad Dominos, eadem die hora vespertina septima, qui consenserunt, sine ulla morâ: licet quidamurgerent procrastinandum, donec civitas (cujus salutem & privilegia id maximopere spectabat) audiri posset.

Observe, neque per dictas literas Exercitus, aut à quocumque membro utriusque Domus Parlamenti, quicquam novæ militiæ fuisse objectum. Et sanè Parlamentum nunquam antè, aut delegerat, auxerat aut diminuerat militiam civitatis, nisi communicatis conciliis cum ipsius Senatu. Certe respectus hic jure debebatur civitati tantopere ipsis amica. Verùm postquam Parlamentum deflexit ab antiquis principiis, veterum quoque amicorum oblivisci cœpit. Prætextus tam festinati Statuti erat, prævortere Exercitus minas quibus jactabant se Londinum petituros, -si Domus recusassent id statuere: Et civitatis oppositionem, si ad ipsius notitiam perveniret, antequam sta-

statutum foret. Sed revera hoc agebatur, ut civitas indignabunda cogeretur se comparare ad sui defensionem, quæ posset exercitui colorem dare se movendi contra illam & illius amicos in Domibus Parlamenti.

Inexpectata ista mutatio militiæ civiæ commovit Civitatem (xxiv Jul. die Sabbathi) Senatum convocare, in quo (tum ob alias causas jam expressas, tum quia abrogatio hujus Statuti, non alio argumento nitens quàm imperiose Exercitus desiderio, meritò credebatur, etiam cætera statuta, de securitate mutui, venditione Episcopaliū terrarum &c. infirmare posse) placuit Senatoribus libellum supplicem offerre Domui Communium die Lunæ xxvi Jul. Quod & factum à prætoribus (quos *Sheriffos* dicunt) & quibusdam Senatoribus: sed accidit, ut circiter mille *Apprenticii*, ut vocant, inermes plane, duas aut tres horas post illos, etiam libellum supplicem offerrent utrique Domui Parlamenti, proprio motu, prætendentes civicam militiam esse Civitatis peculium, pertinens ad Ipsam per Chartas & confirmatum à Parlamenti, ad cuius defensionem exposuerant vitas suas, haud minus quàm exercitus, & petebant illam iisdem restitui, quibus tradita erat consensu Civitatis, per decretum 1v Maij.

Cum Domini hanc petitionem legissent, placuit revocare statutum xxiij Jul. & restituere illud 1v Maij per novum decretum xxvi. Jul. quod statim miserunt ad Communes ut assentirentur. hîc quidam Apprenticio- rum (præsumentes se tantumdem juris habere à Domo impetrandi quod ipsis jure debebatur, quàm exercitum quod minime ipsi compete- bat) puerili vociferatione contendebant ut decretum perferretur, & impediabant quædam membra egredi, & transire in diribitorium (tam ignorantes erant consuetudinis Domus) quo perrogato & con-

confirmato sub horam tertiam pomeridianam , maxima pars eorum quietè ad urbem repedavit. Post quæ inordinati quidam (paucissimi inter eos Apprenticii) confluentes & instigati à diversis sectariis , & amicis exercitus se illis admiscantibus (inter quos toto illo die studiose agere visus quidam *Highlandus* , qui x x v i illius mensis libellum obtulit adversus membra quæ sedebant, & ut testis examinatus fuit circa hunc tumultum) objecerunt se foribus Domus, & procacibus verbis compulerunt Oratorem repetere sedem , cum conventum jam procrastinâisset : & membra detinuerunt usque dum decernerent , *ut Rex reduceretur Londinum ad tractandum*. Id fraudulenter & præmeditatè actum fuit , ut *scandalum erga Civitatem* aggravaretur. Verùm cum hic tumultus ad aures Senatus urbici pervenisset, statim miserunt Prætores Parlamento subsidio cum copiis quæ erant ad manum (militia eorum tunc inordinata ob contradictorium Parlamenti decretum) qui & tumultum compescuerunt , & Oratorem incolumem Domum reduxere. Domini procrastinârunt ad proximum diem Veneris : Communes primò ad crastinum , dein ad Dominorum exemplum ad diem Veneris. Proximo die Mercurii, jejunio menstruo, cum membra ad concionem concurrissent, orator Domus Communium non sine aliquo calore, questus est *Radulpho Asthono* & aliis, diffamari se in urbe, quasi deferra Domo, ad exercitum fugere meditaretur, verùm se abominari tam vilem & injustum actum, & malle mori in Domo & Cathedra. Quæ ab ipso dicta, tempore & loco tam sacro, fecerunt multos opinari, discessum illius ad exercitum, ipso postero die, non tam processisse à proprio ipsius judicio, quàm minis *Cromwelli* & *Iretoni* (qui erant præcipui machinatores illius facinoris, quo dividerent domos & urbem, & exercitum du-

ducerent ad utraq; supplantandum) qui minitabantur nisi ipsis assentiretur se exercitum compulsuros ad ipsum accusandum, quod Statum defraudâset multis & vastis summis pecuniæ. Et sanè memini me vidisse epistolam interceptam, circa tempus fugæ ipsius, missam ab exercitu ad *Witthel. Lenthallum* oratorem, sine ulla subscriptione (tantummodo duæ postremæ lineæ scriptæ erant manu *Ioannis Rushworthii*) qua importune flagitabatur, ut ad *Exercitum confugeret cum suis amicis.*

Die Iovis summo mane, renovata militia Londinensis, publice promulgavit in urbe & suburbiis, & impressis brevibus affixit Westmonasterii: *Si qui disturbarent alterutram Domum Parlamenti, aut ipsarum Membra, excubia tales comprehenderent & renitentes caderent:* nihiloscius Orator & illius partes (conscientia propria illos terrente) sub vespere illius diei clanculum aufugerunt Windesorem ad capitalia castra.

Die Veneris mane ad minimum cxi Membra conveniunt in Domo Communium (qui fugerant erant circiter xli) ad quam Sergeantus cum massa quum venisset, & interrogaretur, ubi esset Orator? respondit, *Se haud probè scire; neque sibi illum visum isto mane; tantum didicisse illum profectum paulo extra urbem, & brevi rediturum.* Post illa, cum strictius interrogatus fuisset de Oratoris absentia, subduxit se, neque postea inveniri potuit. Domus autem Communium (postquam quatuor horas expectâset, & è domesticis Oratoris cognovisset, verisimile esse illum concessisse ad Exercitum) elegit novum Oratorem *Henricum Pelhamum*. Idem (mutatis mutandis) factum à Dominis, ne propter absentiam Oratorum Parlamentum dissolveretur & ut omnes scrupuli tollerentur.

Quod attinet ad petitionem & molitionem (civitatis

(tantopere exaggeratam ab Independentium factione) ea directa fuit ad D. Majorem, Aldermannos & Senatum urbicum, adversis civibus, officiariis & militibus, quia intellexerant, *Exercitum postulaturum mutationem militiae urbanae, quò facilius designata contra urbem perficerentur*: Propositum quidem erat offerre eam communi Senatui, sed numquam fuit oblata, quemadmodum militum petitio Generali; cujus cum ratio habita fuisset à Parlamento inter disceptandum, id adeo incitavit milites, ut non diutius (ut memorat Lelburnius in suis scriptis) vellent agere secundum Parlamenti mandata, sed secundum principia naturæ & propriæ defensionis. Neque continebat ea petitio & molitio quicquam quàm propositum defendendi urbem: ita ut non videam, quid Exercitum moverit ad declarandum suam sententiam in literis xxiii Jul. & illi præjudicium in Domibus afferendum. Institi paulò particularius *grandi huic impostura*, utpote incudi supra quam cuderunt subsequentes omnes *violencias & illegales accusationes*.

Novis Oratoribus electis, utraque Domus perrexit votare & agere ut Parlamentum: Et primò, Domus Communitium revocavit undecim accusata Membra; deinde resuscitavit Commissarios incolumitatis, per decretum utriusque Domus, jubentes illis se conjungere cum Commissariis restauratæ militiae urbanae. dataque illis potestas per diversa decreta delectus habendi, & Ductores atque Officiarios constituendi, expediendi arma & producendi apparatus bellicos, ad defensionem utriusque Domus & urbis, adversus omnes invasores: quæ Vota & præparationes ad sui defensionem (innitentia iisdem legibus naturæ, ut exercitus scripta memorant) non fuerunt perrogata aut Exsequutioni tradita, quàm postquam exercitus (novis delectibus quotidie auctus contra statuta Parlamenti) moveret
versus

versus Londinum, & cum summo despectu, non obedi-
ret Votis & literis utriusque Domus, quibus vetabantur,
intra xxx mill. ab urbe propius accedere. Exercitus, ut
rebellioni suæ colorem adderet, permonet Oratores &
fugitiva membra ad consultandum & promiscue Vota fe-
rendum cum Concilio Bellico, formâ Parlamenti, & si-
gnandum IV Augusti obligationem seu conspirationem,
vivendi & moriendi cum Fairfaxio & ipsius exercitu: affirman-
do, Sententiam suam per omnia congruere cum Declara-
tione Fairfaxii & Concilii ipsius Bellici, qua aperiunt cau-
sas præsentis suæ expeditionis versus urbem. In qua Decla-
ratione Concilium Exercitus arrogat sibi supremam judi-
caturam supra Parlamentum; & distinguit, quibusnam
ex utraque Domo existiment, publicam fidem Regni esse
commisam, & quorum consiliis se regi passuri sint in gra-
vissimis negotiis Regni: protestantur contra electionem
novi Oratoris à quibusdam Generosis Westmonasterii fa-
ctam: & Parlamentum quod nunc sedeat, non esse libe-
rum aut legitimum, cum per violentiam xxv Iul. sit op-
pressum, & suspensum. Statuta & Vota xxvi Iul. facta,
aut adhuc facienda à conventu paucorum Dominorum &
generosorum Westmonasterii esse inania & nulla, neque
quicquam illis deferendum.

Observe hic, non solum potestatem extra Parlamenti
Domos, judicantem de vera essentia Parlamenti, sed
etiam sibi usurpantem negativam vocem, quam denegant
Regi: & præterea Schismaticam factionem in utraque
Domo colludentem cum illis, & prodentem atque prosti-
tuentem ipsam essentiam, honorem, & omnia fundamen-
talia jura & privilegia hujus & omnium futurorum Parla-
mentorum, Exercitui rebellium, qui detrectant obedire
Dominis suis & à signis discedere.

Hæc obligatio seu conspiratio ita fermentavit Exercitum, ut stolidus ipsorum Generalis protinus imperaret militares copias quorundam Comitatum accersi, & movere se contra urbem & utramque Domum Parlamenti: licet hæc copię non militarent stipendiis Parlamenti, & propterea non essent sub Imperio Generalis per ullum Statutum. Sed quid non audeat fatuus in autoritate constitutus, præsertim si obnoxius sit hominibus improbis? Miser! ejus stultitia tandiu obsecuta est *Cromwelli & Iretoni* nequitia, ut ipsi jam minimè securum sit, illi se opponere. Comes Essexiæ tam opportune obiit, ut multi suspicati sint aliquid beneficii accessisse.

Civitas tamen tantopere desiderabat pacem, ut mitteret diversis temporibus Deputatos ad exercitum ad illam impetrandam: quam tamen obtinere non potuit, nisi hisce tandem conditionibus; ut defererent utramque Domum & accusata Membra: revocarent declarationem suam, jam excusam & publicatam, dimitterent militiam suam: traderent omnia munimenta sua & vallum exercitui; unà cum Turri Londinensi, omnia armamentaria & arma; copias suas exauthorarent & ejicerent è vallo, amoverent prædiciarios suos à Domibus Parlamenti; reciperent præsidium equitum & peditum intra munimenta; opera sua demolirentur; paterenturque totum Exercitum triumphali modo permeare urbem, ut Domitorem illius & Parlamenti &, ut sæpe jaçant, totius Regni. Quæ fanè conditiones tales erant, ut illas ab Imperatore Turcarum potuerint impetrare, si urbem arctè obsessam tenuisset.

Quæ omnia derepente & ignominiose accepta & perfecta, ab Exercitu, qui dimidiæ parti civium haud par erat futurus, si concordesset: verum tam copiose lo-
lium

lium Hæreseos & Schismatis in urbe severant (præsertim inter inopem plebeculam) ut facile maximam partem civium sibi adjungerent. Gloriantur sæpe *se transisse militari passu*; *sine spoliis*: respondeo; milites tam paucos & tam malè armatos fuisse, ut illud aggredi omnino temerarium fuisset.

VI Augusti 1647. fugitivi Oratores & Membra à Generali in Domos reducta; armatis militibus omnes aditus & interiora loca Palatii occupantibus, cum nihil esset metuendum: iis qui absentibus Oratoribus federant minæ intentatæ: Generali in throno sedenti prolixè gratiæ actæ; & in posterum diem gratiæ Deo agendæ decretæ. Atque hîc derepente *Fairfaxius* Generalissimus declaratus omnium copiarum & arcium Angliæ & Walliæ, & Connestabilis Turris Londinensis: militibus omnibus pro tam præclara opera navata, unius mensis stipendium donatum: prudentiæ Imperatoris relictum, quas excubias Domibus Parlamenti adderet. Ex quibus quivis facile potest conjicere, quàm misera fuerit conditio eorum, qui absentibus Oratoribus locum suum non deseruerant. Dein Generalissimus & Locum-tenens generalis; totusque exercitus, magna pompa transiêre Londinum, cum apparatu Machinarum &c. Ita ut haud obscurum esset auctoritatem omnem in Regno, jam potentiæ armorum succubuisse. Locum-tenens Turris Londinensis ejectus sine causa. Alibi quoque gubernatores suis locis moti, licet ea decreto Parlamenti accepissent. Militia Londinensis in tres partes divisa, ut infirmior esset. Vallum disiectum, ut jam Vrbs & Parlamentum invadentibus exposita essent. Plura Membra minis & terrore falsarum accusationum è Domibus fugata. XI illi accusati jam ante, cùm licentiam abeundi in partes transmarinas, à Domo, quidam

& ab Oratore acceperant, variis insidiis excepti etiam in Mari: *Anton. Nicholls* in itinere suo in Cornubiam, ab exercitu captus & indigne habitus; & cum Fairfaxius dimittere illum vellet, à Cromwello *Proditor exercitus* appellatus, Vt satis liqueret penes quos obsequendi necessitas esset, & cur tandem Regi illam ademerint. Atque hæc aliaque acta, ut plures Presbyterianos à Domibus deterrerent & Votorum absoluti domini fierent. De quarum Domorum, jam subjugatarum ab Exercitu prædominante, actis deinceps erit dicendum.

Domini qui absentibus Oratoribus federant, præter unum *Penbrokium* (cujus facilitas ipsum idoneum reddebatur cuivis societati) Domo abstinerunt, & solummodo reliqui facti, qui cum Exercitu conspiraverant, hi autem miserunt ad Communes rogantes ut Statuto assentirentur, quo omnia acta & decreta facta, à xxvi Julii ad vi August. sequentem, (quo die fugitiva Membra reducta erant) decernebantur inania & nulla *ab ipso initio*. Quæstio hæc quinque aut sex diebus fuit agitata, maxima parte Communium semper inclinante in negativam, nec tamen à Dominis cessatum, contra privilegia Domus Communium. Factionis quæ conspiraverat argumenta ducebantur à terrore & necessitate, Sollicitator minabatur nisi concurrerent, Dominos honorem Domus suæ vindicatos; ad potentiam armorum recurrendum; omnes obligatos vivere & mori cum Exercitu: à quo extrema quæque expectanda forent. *Haslerigus* eadem dicens, addebat, quorundam capita demetenda; & vereri se, Parlamentum Angliæ servare Regnum non posse, aliam viam incolumitatis ineundam fore. Exercitui satisfieri non posse, nisi omnia nulla *ab initio* decernerentur. Ad hæc responsum, esse hanc appellationem à Parlamento ad Exercitum

tum. Sed nihil profectum, *Henricus Vanus Iunior*, *Ioannes Evelinus Iunior*, *Prydeanx*, *Goudan*, *Mudmay*, *Tho. Scott*, *Cornel. Holland*, easdem spirabant minas. Ad postremam negativam (quæ erat Quinta aut Sexta.) Orator animadvertens majori compulsionem opus esse, protulit literas Generalis & Concilii Bellici, quas aiebat se commodum accepisse (quod minus verisimile erat) unà cum Remonstrantia, plena opprobriis & minis in membra quæ federant Oratoribus absentibus, quæ promiscuè accusabant perduellionis, perfidiæ & infractionis fidei ipsis commissæ: & nisi assentirentur propositis, suo discrimine sessura; & se illos captivaturum, & ut belli captivos, Bellico Concilio iudicaturum.

Quis Rex Angliæ umquam tantam Vim intulit fundamentalibus privilegiis Parlamenti, ut denegaret libertatem Votandi liberè, *Ita* aut *Non*. Certe minimus digitus *Iac. Cade* aut *Wat-Tyler* (fuère hi olim turbones notissimi Angliæ) gravior lumbis cujuscvis Regis. Duravit hoc certamen à 1x Aug. ad 2x Aug. quo die demum illud decretum perlatum est, plerisque Presbyterianorum absentibus, quibusdam in partes transeuntibus aut mutis; non tam en sine aliqua contradictione. Multa interea acta contra communem libertatem & privilegia Parlamenti, quæ consulto jam prætereo, utpote aliàs commodius dicenda. Quale inter præcipua fuit, Secreta examinatio testium instituta adversus plurimos (cujus collegii caput erat *Milo Corbet*) haud dissimilis Hispanicæ Inquisitioni.

Primò in Scenam productæ commissiones signatæ à Commissariis incolumitatis, à Com. *Penbrokia*, *Suffolckia*, *Middelfexia*, *Lincolnia*, *Baronis Willongby* à *Parham*, *Mainardi*, *Hollis*, *Phil. Stapleton*, *Wil. Walleri*, *Long*, *Nichols*, *Wil. Lewes*, *Baynton*. Varia crimina objecta à *Corbeto* illo, Haslerigo strenue ipsi auxiliante.

VIII. Septemb. in Com. *Suffolcke, Lincoln, Middelfex*, Barones *Barckley, Willongby, Hunsdon, & Maynard* crimen læsæ Majest. intentatum nomine communium Angliæ, ob bellum motum contra Regem, Parlamentum & Regnum. Penbrokius hinc omissus. Iohannes Evelinus missus cum hac accusatione ad Dominos: & accusati Apparitori Domus in custodiam traditi. Atque ita Domini qui conspiraverant cum exercitu, Domum soli pro libitu obtinuerunt. Deinceps & Major Londinensis, quidam Aldermanni & Cives correpti per Inquisitorem generalem Corbetum, & sine omni ordine Iudicii, imo contra privilegia Civitatis atque adeo omnium incolarum Angliæ, missi in Turrem Londinensem: idque jussu paucorum Dominorum, quibus ne quidem ulla Iurisdictio in Communes per Angliæ Leges convenit. Neque ulla extant exempla quod Domus Parium, umquam quicquam tale usurpaverit, nisi ex speciali commissione Regis ab ipsis Communitibus instanter rogati.

Mense dein Septembri agi cœptum de copiis militari-bus: lecta in Domo Communium sententia Fairfaxii & Concilii Bellici: nimirum in Hiberniam mitti oportere sex millia peditum & bis mille quadringentos equites, è supernumerariis copiis, quæ nullam partem exercitus faciebant: in Anglia retineri octodecim millia peditum & supra octo millia Equitum; illos octo denar. his duos solidos in dies singulos pro stipendiis ordinariis constitutis. Tenuit hæc deliberatio aliquandiu Independentibus & Presbyterianis dissidentibus & diversas rationes afferentibus: sed Independentes vicerunt.

XXIV demum Decemb. 1647. Vtraque Domus per Commissarios misit Regi (qui tum in Insulæ Vectæ arce *Carisbrooke* captivus detinebatur) quatuor Schedas (Anglis

glis *Bills*) quas ut Acta Parlamenti probari petebant, & propositiones aliquot quibus assentiretur: quæ excusa visuntur unà cum Maj. suæ Responsis, pauca tamen dicenda de duabus Schedis. 1. decretum de Militia terrestri & maritima in Regnis Angliæ, Hibernia, Wallia &c. licet tantum loquatur de xx annis; spoliatur tamen Regem, ejus hæredes & successores potestate in Militiam, in perpetuum, sine spe recuperandi per abrogationem decreti quod numquam futurum est in illius aut illorum potestate. Nam Primò dicitur: *Neg, Regem neg, ejus heredes aut successores aut quemquam alium, usurum ulla potestate supra Militiam in terra aut mari, sed eos solum qui agent, per auctoritatem & approbationem Dominorum & Communium.* Id est, Viginti aut triginta Commissarii Status, quibus Domus hanc fidem committent (nam fundamenta hujus Commissionis jam tum ponebantur, licet tantum aliquantò post fuerit stabilita.) Secundò vetatur: *Regi, ejus hæredibus & successoribus &c. post expirationem xx annorum, exercere ullam dictarum Potestatum, extra consensum dictorum Dominorum & Communium, & in omnibus casibus, in quibus dicti Domini & Communes declarabunt salutem Regni sitam esse, post expirationem xx annor. & decernit delectus &c. aut tributa &c. si Rex non consentiat ejusmodi decretis intra limitatum tempus, decreta illa tunc habitura vim Actorum Parlamenti.* En hîc fundamenta jacta, statuta utriusque Domus æquandi Actis Parlamenti, si hoc concedatur in uno casu, arripitur in altero, atque ita hi subverfores Religionis, Legum, & Libertatum, usurpationem suam vertent in legalem Tyrannidem. Secundò, dat utrique Domui illimitatam potestatem delectus habendi, & duces eligendi, quales volent. Tertio & potestatem tributa &c. exigendi à quibusvis & quovis modo.

Secundò: statutum *de transferendo utramque Domum ad*

d

aliam

alium aliquem locum &c. factionis in utraque Domo & Exercitu dabit facultatem domos transferendi in aut prope Castra; ubi ii qui detrectant cum illis conspirare neque commodè neque tuto poterunt sedere.

III Ianuar 1648. In Domo Communium deliberatum de Regis responsis ad illas schedas & propositiones. Atque hîc *Thom. Wrothe* consueta sua grandiloquentia dixit: *Bedlem* (ea est domus recipiendis fatuis Londini destinata) convenire furiosis, sed *Tophet* Regibus: Reges nostros superioribus annis se gessisse ut Bedlemitas humilem suam petitionem tres partes habituram.

1. Regem captivum includendum in aliqua Mediteranea arce sub præsidio.

2. Conscribere articulos ad Ipsum accusandum & in iudicio postulandum.

3. Rejicere Illum & constituere Regnum sine Illo. Non curare se quod regimen adstruant, modò non sit *sub Regibus aut Diabolis*. Dein Commissarius Generalis *Iretonus*, (visus proferre sententiam Exercitus sub norione multorum millium piorum, qui vitas suas devoverant ad subjugandum inimicos) ad hunc modum locutus est: Rex denegavit incolumitatem & protectionem populo suo, rejiciendo quatuor schedas; subjectionem populi tantum subordinatam esse protectioni Ipsius: hac denegata, posse & obsequium denegari & Regnum stabiliri sine Illo, an hoc jam agi, post tam longam patientiam, ut deferantur fortes illi viri, qui sine regressu se devoverunt ultra quàm poterant, & qui Parlamentum non sunt deserturi, nisi ante ab illo deferantur.

Post longiorem disceputationem, cum res jam vergeret ad Quæstionem, accurrit Cromwellus cum extremo agmine, & laudato valore, bono affectu & pietate exerci-

tus, arguit. Expectari nunc, ut Parlamentum administret & defendat Regnum suis viribus & consiliis, & non persuadeat amplius populo incolumitatem & regimen expectare à viro obstinato, cujus cor Deus induraverit. Eos qui hætenus Parlamentum defenderunt à tot periculis sui sanguinis expensa, porro fideliter & fortiter tuituros contra quosvis opposcentes. *Nolite committere*, inquit, *negligendo vestram & Regni salutem (in qua & ipsorum involuta est) ut opinentur se proditos, & deinceps relinqui furori & malitie irreconciliabilis inimici, quem ipsi vestra causa vicerunt, Vnde expecturi sint futurum ejus regimen insupportabile & plenius vindicta quam justitia: ne desperatio illos cogat incolumitatem querere ab aliis mediis, quam à vobis. Quam exitiosa autem ea resolutio illorum futura sit vobis omnibus, horreo cogitare & vobis ipsis judicandum relinquo.* Observa quod sub finem Orationis manus imponderet capulo gladii quo cinctus erat. Prima quaestionum proposita: *Viraque Domus deinceps nihil referet ad Regem aut illi se applicabit.* Domus Communium ita divisa fuit ut cxli affirmarent, xci negarent; atque ita affirmativa obtinuit; cætera tria Vota facile secuta; quæ videre est impressa.

Cum autem membra in Domo Communium conclusa fuissent ab hora nona matutina ad septimam vespertinam, fores apertæ, & permitti exire qui vellent, quo factum, ut multi Presbyterianorum descenderent, opinantes conventum solvi: verum statim (cum Domus jam infrequens esset) restauratum votum de Commissariis incolumitatis in Domo derbiæ, iiii Ian. 1647 factum, & aliquot deputati illi adjuncti.

xiv Ian. post longam disceptationem statutum, ut *Levis dives & John Stowell* equites & *David. Ienkins* ut proditores sisterentur & accusarentur coram Banco Regis ut

vocant, (quod est supremum Tribunal criminale) verum Sollicitator, cui hoc munus demandatum erat haud ignarus *Jenkins* magnum esse Iuriconsultum, & non audens se cum illo committere, prætexens errorem in diei dictione remisit illum ad Parlamentum, accusandum coram Dominis, ad quorum jurisdictionem provocaverat: atque ita ignominiam à se derivavit in Domos. Hora jam erat duodecima & multi Independentium clamabant, *Surgamus, surgamus*: Presbyteriani itaque credentes omnia jam peracta esse, plurimi eorum discesserunt ad prandium, verum Independentes perstitere, & jam opportunum tempus rati, proponunt, literas derepente mittendas ad Fairfaxium, ut convenientem numerum militum mitteret in præsidium Albæ-Aulæ, & equestres copias in Equile Regis. Dominorum consensus haud petitus, sed literæ statim scriptæ & missæ.

Observa autem copias illas jam in itinere fuisse antequam hoc Votum perferretur. Adeo omnia fraudulenter gerebantur.

xv. Ianuar. Declaratio missa ab Exercitu, quâ gratias agebant Parlamento pro quatuor illis Votis contra Regem, & promittebant, *se victuros & morituros cum Communibus, eosque contra omnes adversarios defensuros*. Multi inter ea Dominorum valde fervide disputarunt contra hæc Vota; ita ut Domus illa in duas partes æquales esset divisa (intererant autem Domini omnino viginti) verum hæc declaratio Exercitus, & inexpectatum præsidium indutum in Albam Aulam & Equile Regium, lancem depressit, ita ut hæc Vota perferrentur, addita tantum brevi præfatione, quæ nihil ad rem faciebat; cui & Communes assensum præbuere. Et continuo circa horam duodecimam, cum confessus esset valde infrequens, Dionysius Bon-

Bondus movit, *ut quicumque deinceps disputaret contra quatuor hæc Vota, aut alios ad hoc faciendum incitaret, in carcerem conjiceretur; & bona illius sequestrarentur.* Dominis quoque ab Exercitu gratiæ actæ. Hæc Vota generatim finistre accepta, & hominum animos variis suspicionibus impleverunt: nec facile perspiciebant, quam tandem regiminis formam hi Factiosi essent electuri, Rege ad hunc modum abdicato; & præfagiebant *novum Bellum*: quod haud frustra credebant Independentes quærere, ut hoc prætextu retinere possent exercitum, & tributa pro libitu imponere ad illum alendum: sed illi prævenientes accusaverant diversa membra Domus & cives Londinenses quod novum bellum præpararent, cum tantum delectus habuissent ad seipfos defendendos.

Primores autem Independentium, ut causas horum Votorum populo palam facerent, deputarunt aliquos, qui inquirerent in Regis conversationem & errores illius in regimine, eosque per declarationem publicarent: in qua ipsi objecerunt longè gravissima crimina, Patris sui cædem, Rupellæ exitium, Rebellionem & homicidia Hibernorum, quæ post maturam discussionem in Domo, à Presbyterianis plurimum fuere mitigata. de hac autem declaratione hoc solum dicam: illos nihil novi attulisse, quod non ante publicaverunt, per partes; post quod tempus ipsi sumpserunt, & alios sumere præceperunt, Fædus nationale: in quo promittunt, se defendere velle Regis personam, coronam & dignitatem, ad conservationem Religionis, Legum & Libertatis: & propterea solummodo eadem reponere, ut argumenta abdicationis Regis, sapit magis perversam intentionem, quàm justitiam. Non pergo ulterius in censura hujus declarationis, ne, sicut illi hac imbecilli accusatione Regem potius justi-

ficarunt, ita ego despiti defensione ipsi injuriam faciam.

Populus non minus improbabat hanc declarationem quam ipsa Vota, quare Orator xxiv febr. valde seriò protulit literas è Liceltriæ Comitatu scriptas à *Thoma Haslerigo* (Arthuri equitis fratre) quæ narrabant; quendam *M^r Smallingh* deputatum Leicestrensem, affirmare circiter viginti ab hinc annis, cum causâ ageretur inter Comitum Bristoliæ & Ducem Bukingamium, de medicina præsumtuose exhibita à Duce Regi Iacobo; hunc *Smallingum* excepisse multorum testimonia, & porrò plures testes examinaturum fuisse nisi Rex mandâsset superfedere & depositiones sibi tradi: quod & fecerit: custodisse interea præcipuas notas, dubitante quid post illa adhuc posset accidere in re tanti momenti. *Henric. Mildmay* eq. movebat, ut *Smallingus* accerferetur & examinaretur à Commissariis qui declarationem illam conceperant, se Presbyterianis annitentibus, placuit ut coram Communibus in confesso interrogaretur. *Smallingus* venit, & exhibuit quidem Regis mandatum, sed nullas notas; & ira hæc Chimæra disparuit. Quis novit quid Commissarii illi facturi fuissent? Liberet nos Dominus ab ejusmodi clandestinis examinationibus, præsertim cum fiunt ab insensis partibus. IIII Caroli hæc causâ ventilata fuerat & examen institutum contra Ducem, nec ulla mentio facta intoxicationis aut cædis R. Iacobi; appellabatur tantum tunc, *actio summa præsumtionis & periculosa consequentia in Duce*: neque erat vel minima reflexio in R. Carolum; sed nunc quia R. Carolus dissolverat illud Parlamentum, factio Independentium saragebat suspicionem movere contra Regem de obitu Patris: cum accusatio Ducis Buckinghamiæ, IIII Caroli, contineret septem aut octo capita quorum singula potuerint Regem movere ad dissolvendum illud Parlamentum.

Hæc

Hæc desperata consilia (dishonorandi Regem; & reddendi illum inidoneum ad regendum; destruendi illius Personam, coronam & dignitatem & Monarchiam extirpandi) capta erant, ut Primores Parlamenti & exercitus, qui regiam auctoritatem jam usurpaverant, si non possent expurgare Domos, easque in totum Independentes facere (de quo jam pene desperabant) illam traderent in manus concilii Status in Domo derbiæ & Principum Exercitus. In quem finem machinantur illorum Commissariorum numerum augere & suspendere Parlamentum: Presbyterianos dimittere in suas provincias ut si ibidem tumultus orirentur (qui propter extorsiones valde metuendi erant) illi in culpa fuisse viderentur; atque ita facilius è Domo everri possent, si non è vita; aut saltem bona eorum sequestrari; nam cum regiis partibus parum admodum sit reliquum, aliunde novæ copię quærendæ quæ insatiabili eorum avaritiæ satisfaciant: donec & se mutuo devorent; sunt enim jam divisi in *puros Independentes & mixtos*: Factiosi siquidem hi sitientissimi auri & sanguinis, instar Harpyiarum, si cibus defecerit, se mutuo invadent. Domus autem non convenient nisi semel in anno ad mensem unio aut alterum, ut approbent quæ Concilium illud derbienne, & conciliabulum exercitus dictabunt: & ut rationem reddant prædominanti factioni, quo pacto se unumquodque membrum in sua Provincia gesserit. Ita loco unius Regis, viginti aut triginta habituri sumus Tyrannos principales, & totidem subordinatos; quot ipsis placuerit rebus agendis præficere sub ipsis; cum ferreo iugo exercitus, ut nos arbitrario suo regimini mancipatos teneant.

Non obstantibus hisce quatuor votis, Grandes hi retinebant adhuc in Exercitu *Asburnhamum & Barckleyum*: mittebant-

bantque interea diversos conversos & personatos emissarios ad Regem, qui fingentes se muneribus impetrasse aditum illum, se illi insinuarent & falsis novis & deceptricibus argumentis constantiam Regis labefactarent & persuaderent quatuor illa dethronifantia Vota probare (nam usurpatores hi supremæ autoritatis studebant armatam & violentam suam tyrannidem, in legalem mutare) aut saltem se declarare contra Scotorum ingressum in Regnum. Quo alterutro facto & debilitaret amicos suos, qui satagunt aureas habenas regiminis hisce Phaëtonibus eripere & illi restituere; & se atque posteritatem suam regno exueret in perpetuum; & ab illis circumduceretur pro libitu & coronaretur *ludibrio Coronæ* stipulis & spinis. Quis enim potest imaginari, viginti illis annis absolutis, usurpatores hos deposituros quod tam injustè, & contra omnes leges Divinas & humanas, & contra proprias declarationes, juramenta, fœdera, extorserunt? aut quis poterit aut audebit illis hanc potentiam eripere, cum in consuetudinem versâ fuerit? populi spiritibus fractis per habitualementem servitutem; numerofo exercitu & præfidiis undique incumbentibus, omnibus tribunalibus occupatis à corruptis iudicibus; qui per coactas interpretationes Legum, sanguinaria exempla statuent in omnes bonos patriotas, qui ausi fuerint se huic Tyrannidi opponere? qui potuerunt reperire chalybem satis acutam ad incidendam Cap. *Barleyi* cervicem, quia tentaverat Regem liberare è manibus rebellis Exercitus, qui neque obsequitur Regi neque Parlamento, facile invenient aurum & argentum, quo corrumpant omnes Iudices, quos promoturi sunt ut propositis ipsorum inserviant. Sed sperandum est illum habere plus regii & humani, quàm ut suorum principiorum obliviscatur, ut rursus impingat in eundem

la-

lapidem, eidemque scopulo hæreat ad Sirenium cantum: gnarus se habere filium in libertate, qui injurias suas posset ulcisci, omnes Principes Christianos fœderatos, maximos Angliæ & Scotiæ suos agnatos, & populum generatim (cujus summum studium fuit conservare Leges & libertates, & tueri Parlamentum ne armis subjugaretur) indignabundè intuentem hos seductores, qui per gradus insensibiles & plurimas fallacias ipsum longius perduxere, quàm intenderat, non ad *defensionem Religionis, Legum & Libertatis*, sed ad erectionem *Schismatum; Commissariam Legem, Martialem legem, accusationes coram Dominis, & illimitatam servitutem*.

Confido autem Factionem hanc desperare se quicquam impetraturos à Rege, qui instar scopuli, *mediis tutissimis undis*; quidquid dicant in contrarium, qui ab initio mendacia refugium suum fecêre: quod cum Rex prudenter animadvertisset, missionem ad utramque Domum destinavit (per viam præventionis) quæ tradita fuit à D. Lauderdale, deputatorum Scotiæ uno; quæ tria capita continebat.

1. *Se invitum abductum ab Holdenby.*

2. *Ut tuerentur honorem & privilegia Parlamenti.*

3. *Ne crederent ulli missioni, ut venienti à se, quandiu esset in arcta custodia Exercitus, sed solum crederent iis quæ accepturi erant è proprio suo ore.* Grandes illi jam diu fefellerunt Regnum, & nuper denuo tentârunt fallere urbem, sed frustra. Verùm Rex jam sæpius ab illis fuit deceptus, & cum illum in arcta custodia teneant; fortassis illi persuadere conabuntur ad salutem illius facere, ut adhuc semel se decipi patiantur: Quapropter (non ostantibus tot machinationibus, ad eradicandum Monarchiam, deponendum Regem ipsiusque posteros, & usurpandum illius potestatem; in quem

finem illum & omnes suos, innumeris calamitatibus & opprobriis obruerunt:) post jam editam declarationem contra Regem, desperata ipsorum conditio permovit illos denuo clanculum cum Illo agere & conferre, licet illa quatuor Vota pœnam perduellionis, contravenientibus minentur.

Sed *Cromvello* tam naturale est prodere, quàm falso accusare, protestari & mentiri. Est enim Proditor in superlativo gradu, ita ut leges illum nequeant coërcere. Tribunus militum *Lylburnius*, accusavit illum multarum proditoriarum actionum, coram pleno confessu Communium, quas & recepit in se probare; verùm, quasi *Cromwellus* esset proditor *cum Privilegio*, Domus Communium (sub armatis illius præfidiis constituta) non ausa fuit cognitionem suscipere. Verùm Romanus Tribunus rectè dicebat Scipioni Africano (apud Livium) *Qui jus aquum ferre non potest, in eum vim haud injustam fore.* Ut concludam, *Cromwellus* nuper Farnhami privatim collocutus est cum *Hammondo*. Comes *Suydthamptoniæ* rogatus ut tractaret cum Rege, oblato utriusque Orationis Warranto. Capitaneus quoque *Titus* in gratiam receptus & ad hoc adhibitus.

Deputati *Scotiæ* v. aut vi Jan. 1648. miserant literas ad Domum Communium; in quibus, facta mentione Votorum, poscebant sibi exponi: Vtrum Domus, per Vota sua, quod nemo omnino præsumat facere aut recipere ullam applicationem aut relationem, ad aut à Rege; etiam velint *Scotos* à Rege arcere, atque illum incapacem reddere ad perficiendum actus regiminis erga eos. Inter disceptandum, *Independentes* vocabant in memoriam, antiquius Votum, quo statuebatur, *Scotos ad Regem admitti posse*: contra quod allegabatur, *postrema hæc Vota, generaliter facta, sine ulla exceptione, superius illud Votum abrogare.* Postremò per interpretativum Votum

con-

conclusum fuit, *Quod non obstantibus quatuor posterioribus* *Votis, prius Votum, quo Scoti ad Regem admitterentur, adhuc* *valeret.* Observa hoc factum quatuor aut quinque dies postquam deputati Scoti se jam parâssent ad reditum in Scotiam.

Alteræ literæ agebant de 100000 lib. quæ per contractum debebantur Scotis à Parlamento Angliæ: quarum 50000 lib. per assignationes solvendæ erant diversis Scotis, qui nummos impenderant ad maturandum Scotorum exercitum ad nostrum Concilium, quorum 10000 lib. solvendæ erant Comiti Argylio. Hic, *Hen. Mildmayus*, longam orationem habuit, in laudem Argylii, inquit, *illum & illius factionem, & clerum Scoticum, solos esse qui in Scotia Anglicam factionem sustentârint, & magis nobis amicos fuisse quàm reliquam Scotiam: quare suadebat, ut Argylio ista 10000 lib. solverentur & reliqua mutua retinerentur, ad VIII per centum.* Continuo tota Independentium turba, cum magno zelo & pauca prudentia, pedibus ibat in hanc sententiam, donec moderatiores obviam irent, suggerentes quantam ignominiam & periculum allaturi essent amico suo, & exposituri illum suspitioni. Post illa conclusum, mittere quatuor Communes & duos Dominos in Scotiam; ut Deputatos cum mandatis: Mittere omnes Independentes, haud acceptum fuisset, itaque duo Presbyteriani missi (quorum unus delibutus dono 1000 lib. & officio, antequam auderent illi fidere) & cum ipsis duo concionatores *M^r Hearle & M^r Marshall.*

xxiv Feb. deliberari cœptum ex parte de Responso ad declarationem Scotorum; in qua disceptatione Nationale fœdus parvi factum à multis & appellatum *Almanach extra datum: Nat.* quoque Fiennes in arguendo contra illud, dicebat clausulam illam in Fœdere (*ad defendendum Regis*

personam, coronam & dignitatem &c.) nequaquam posse consistere cum IV. Votis; de nihil amplius referendo ad Regem &c. ad quæ à nonnullis responsum fuit, *velle ergò se Vota illa omittere, & fœderi Nationali adherere.*

Circa principium Martii, data Col. Sydenham & Byng-ham 1000 lib. singulis, in partem stipendiorum ipsis debitorum; rationibus illorum nondum subductis. D. Borghill 2000 lib. M^r Femwick 500 lib. pro damnis toleratis. M^r Mil-lington 2000 lib. pro damnis. Col. Ven 4000 lib. licet moneretur, par fuisse ut ante rationem redderet contributio-num, spoliationis regionis circa Windfor, & direptionis supellectilis Regiæ. M^r Pury præter 1000 lib. officium quantivis pretii; & filio ejus 100 lib. per annum; omnibus Independentibus.

VII. Martii *Olivero Cromvello* donatæ è terris Marchionis Worcestriæ 2500 lib. annuæ: quæ ut fertur, valent 5000 aut 6000 lib. per annum. Vides, licet Reg. Carolum haud fecerint gloriosum Principem, ut promiserant, tamen *Olivorum* fecerunt tam magnum & gloriosum Regem, quam umquam fuerit *Ioannes Leydensis*: Vt mirari non possis eos conspirare ad retinendum Exercitum, tam ut tueantur liberalitates has, quàm capita sua.

IX Martii, Domini miserunt ad Domum Commu-nium, rogantes ut probarent obligationem illam Mem-brorum quæ fugerant ad Exercitum, qua voverant, *se vi-situros & morituros cum Exercitu*. Disceptatum tota illa die usque ad septimam vespertinam, & tunc quæstio proposi-ta; *An Domus probaret dictorum membrorum subscriptionem ad obligationem Exercitus?* Centum affirmabant, xci negabant. Observa primo, M^r *Sollicitatorem, Haslerigum* & plures alios, cum viderent difficulter perferri posse, cœpisse longis suis gladiis denuo pugnare; & quidam ajebant, *satisfaciendum,*

tam

*tam illis qui extra erant (puta Exercitui) quam qui intra, alio-
qui rem discrimine non carituram.*

Secundò; eorum membrorum de quibus agebatur XL interfuisse huic deliberationi, & tulisse sententiam in propria causa: & erant quoque multi qui non audebant ferre negativam. Tertiò, multos Presbyterianorum jam excessisse è Domo, quia serum erat; Quartò, hanc obligationem jam ante semel atque iterum missam fuisse à Dominis ad Communes, sed rejectam: & nunc rursus obtrusam à Dominis, qui nolebant acquiescere, contra privilegia Domus Communium. Quintò; approbationem ita surreptitiè acceptam, parem esse petitioni indemnitis ante convictionem, quæ secundum Leges est instar confessionis criminis. Sextò Agitatores fatentur: *Hanc Obligationem missam ad Communes, ut tentarent temperamentum Domus, qua si non probasset illam, conclusum fuisse in secreto Concilio, confugere ad arma, & novum impetum facere in præcipuos opposcentes.* Siquidem agnoscunt, se tantum regnare, per vim, & Domum Communium haud diutius pro sua agnoscere, quam jugum patienter ferat &c.

Postremus conatus fuit, omnium interesse, in Domibus, urbe, Exercitu, unire: In quem finem Cromwellus (gravissimus; vilissimus & maximè ridiculus Tyrannus, eorum, sub quibus umquam nobilis hæc nostra Natio gemuit) Orationem in Domo Communium habuit: ad quam responsum fuit, *Membra electa esse à populo ut promoverent Interesse commune, id est commune bonum, salutem & Libertatem populi: & si quis habeat aliquot peculiare Interesse excentricum ab illo, non esse idoneum qui sedeat in illa congregatione & mereri ut vocetur ad strictam rationem fidei commissæ reddendam.* Observa interim, molitionem hanc conjungendi hæc tria Interesse, comparatam fuisse, ad sustentandam

potentiam eorum qui in Parlamento, urbe & Exercitu dominabantur; nam in tribus illis vulgaris multitudo, & modestiores atque honestiores tantum sunt ejusdem conditionis cum cæteris: Parlamento ferente auctoritatem, Exercitu gladium, Vrbe Marsupium. Sed placuit Deo largiri Vrbi tantam prudentiam & integritatem, ut cum VIII Aprilis 1648 *Cromwellus* & illius Socii objicerent hanc tentationem in Senatu urbico: Vrbs jam cautior facta, quàm primi nostri parentes, rejiceret serpentem & illius subtilitates; ita ut *Cromwellus* irritatus hac repulsâ, sollicitatorem suum *Gloverum* interrogaret, *qua auctoritate obtulisset illis restitutionem Turris & militia, & relaxationem Aldermannorum accusatorum?* qui respondit, *se hoc fecisse ipsius auctoritate*, & protulit *Warrantum* ad hunc finem signatum à Fairfaxio, Cromwello, Sollicitatore & *Henrico Vano* juniore; quod *Cromwellus* qua est impudentia, arreptum retinuit.

Cromwellus, tentaverat jam ante Civitatem per agentes suos *Gloverum* & *Watkins*, & invenerat illam sibi renitentem: quapropter (non solum præcipitis sed & implacabilis malitiæ) cum consilio Commissariorum Domus derbiensis, rationem inivit cum Schismatico D. Majore *Warnero*, qui ridiculum illum tumultum concitaverat, die natali Domini ob rosmarinum & laurum; quique electus fuerat à Parlamento, extra ordinem ad promovendum Machinamenta factionis) & cum Locum-tenente Turris, qua urbem commoverent, atque unde occasionem opportunam suis molitionibus arriperet. Cumque animadverteret cives minus opportunos suis insidiis; Apprenticios invenies provocare statuit ad temerarium quid agendum; è quo occasionem nancisci posset toti urbi insultandi.

1x Aprilis, die Dominico, cum plures Apprenticii, ut moris est, luderent in *Moore fields*, Major mittit Capitaneum *Galeum* (unum novorum Capitaneorum, qui fugerat è prælio ad *Newbery-Marsh* & absconderat se in fossa, ut D. *Whartonus* in prælio ad *Keynton*) ut illos inde fugaret, cum 50 aut 60 urbicis militibus & non pluribus, (quo magis animaret pueros ad resistendum illi) qui contemtim illos interrogans, *quid ibidem agerent?* quidam eorum responderunt, *se nihil mali facere, tantum ludere, & siquidem omnia festa essent abrogata, non habere se aliud tempus quo se recrearent.* Capitaneus insolenter imperavit, ut *discederent*; illi autem responderunt; *illum non habere auctoritatem ad hoc imperandum*, & pergebant ludere: Capitaneus mandavit sclopetariis ut sclopetâ sua excuterent in eos: quod cum non facerent, ipse arripuit sclopetum & explosit in illos, ut & alii duo aut tres Schismatici sclopetarii, & occiderunt (aut ut ajunt schismatici, vulnerârunt tantum) unum illorum: ad hæc cum pueri magnum clamorem excitâssent, plures accurrerunt, & lapidibus atque stipitibus disturbârunt milites: & cum vexillo eorum essent potiti, pueriliter ovantes, & ut erant inermes, moverunt versus Equile Regis; cum subitò turma equitum (ad id jam ante parata) illis obviam venit & facile illos fugavit, *Cromwello* ipso animante equites, ut nullis parcerent, neque viris, neque foeminis, neque pueris. Tota illa nocte se Apprenticii conglobatos tenuerunt in urbe, clauserunt portas, sed nullos excubitores apposuerunt; ut satis appareret, tantum esse temerariam & inpræmeditatam puerorum vesaniam, non consilium virorum: quantumvis Independentium factio in Domo Communium factum valdè exaggeraverit; ut colorem quæreret subsecuturæ crudelitati & rapinis in urbem. Die
Lunæ

Lunæ mane Fairfaxius misit validas copias in urbem, quæ impetu facto in puerilem hanc turbam, fugarunt & cæciderunt multos, etiam fœminas prægnantes, & alios: quæ se inferebant, vociferantes, *Cuculi! continete vos adibus*; & obvios quosque vulnerantes: *Cromvello*, (qui postremum agmen ducebat, satis tutò, cum primum agmen jam plateas securas fecisset) inclamante ut urbem incenderent. Ohe *Oliveri*! quàm barbarus *Ioannes à Leyda* es factus? Ohe *Londinum*? quàm miserum Monasterium es futurum? denique miseros & inermes hos pueros fugârunt in *Laden-Hall*, plures eorum captivârunt, nemine civium prodeunte aut se movente, sed militibus permittente sanguinarium & puerilem de illis triumphum, qui jam carcerati sunt in Alba Aula. Hæc est verissima historiæ series, non obstante prolixa & mendaci relatione Aldermanni *Fonkes*, ad Communes. Qui vir, miseris hisce temporibus satis lautè sibi providit, & plurimum publicæ pecuniæ detinet; & cum rationes suas Commissariis rationum offerret, voluit illas dare sub jurejurando, (ut ab aliis fiebat) allegans *Magnam Chartam*, quod nemo teneretur se ipsum accusare. Videtur sibi conscius fuisse alicujus facti, quod examen jurisjurandi ferre non poterat: sed est unus Piorum, & propterea *omnia Mundi bona sunt ipsius*. Domus Communium (hac occasione) donavit militibus ob hæc fortia facta 1000 lib. & decrevit 1000 ped. & 100 equites ad præsidium Turris Londinensis: præsidiariorum numerum in Alba aula & Equili Regis augeri: cathenas in urbe à postibus revelli; & deputatos Iudices ad plures pueros legaliter occidendos. Quin & dies constitutus publicæ gratiarum actioni. Non enim pudet hos Sanctos, sanctum Dei nomen profanare impiis devotionibus, ut colorem addant suis molitionibus.

Baro *Inchiquinus*, præses Munsteriæ in Hibernia, & generalis ibidem exercitus, longo tempore impetitus fuerat ab Independentium factione. *Lyseus* (qui muneri illius inhiabat) *Iohn Temple*, *Cromwellus*, *Broughillus*, *Arthurus* & *Adam Loftus*, & alii. Strenuè hoc egerant, impediendo omnia supplementa pecuniæ, apparatusum bellicorum, commeatuum, vestium: nitebantur enim turbare & dissolvere illius exercitum, ut liceret mittere Schismaticos suæ factionis, qui dominarentur ibi, sicut illi hîc, & Hiberniam servarent ad refugium Sanctorum: atque ut hoc facilius perficerent, miserant multos emissarios, eosque illi commendârant, ut essent officarii in illius Exercitu. Quod cum illis non successisset, ediderunt scandalosos Articulos contra illum, & infinitis modis illum provocârunt, ut incitarent illum ad faciendum, quod falso accusabant jam fecisse. Verùm multa fortia illius facta post publicationem horum Articulorum, mendacii arguebant ejus adversarios & confutabant omnes eorum calumnias: denique (sub prætextu mittendi supplementum militum) nitebantur illum intercipere & captivum abducere: ita ut passus fuerit omnes convulsiones, quas falsi amici & malitiosi inimici possent infligere. Post illa (quo magis secretò res gereretur) missi tres Commissarii in Hiberniam, qui in actiones illius inquirerent: verùm (quasi ex composito res gesta esset) cum Commissarii Bristoliam venissent, circiter x i i. apostatæ officarii illius Exercitus, illis occurrentes, ipsos retrò duxêre. Hi festinârunt ad Parlamentum ante Commissarios; & x i i i Aprilis Domui Communium retulerunt: Baronem *Inchiquinum*, ab expeditione in Comitatum Kerryæ reversum, hos officarios vocâsse in cubiculum suum, iisque dixisse, *sibi propositum esse se declarare contra Ex-*

exercitum & Independentem factionem in Angliâ, qui Regem ut Parlamentum actinerent sub violentia: se velle stare pro libertate Regis & Parlamenti, & libera collatione ad Pacem constituendam: expectare se, quod omnes officarii ipsius conspirarent cum ipso, ad tam honorabilem conatum: sed petere se ut præstarent juramentum taciturnitatis, antequam cætera ipsis aperiret. Ipsos respondisse: se non posse jurare antequam intellexissent, an salvâ conscientia possent servare: Se velle fideles esse Parlamento. Inchi-quin. Ita & ego fui & ero: sed ne ludite me ambignis verbis. Num intelligitis prætextum hoc Parlamentum? dixisse illum præterea; se correspondere cum Presbyterianis in Anglia & Scotia, tam in Parlamento, quàm extra: non dubitare se quin conatus sui bene sint successuri; sin contra, bonas condiciones impetraturum sibi & suæ parti. Se pacem velle facere cum Barone Taffio: & nôsse se, Independentes Angliæ in eo esse ut tractent cum Owen-Roë-Oneal, viro ipsis simillimo, & qui studeat bellum alere. Cum autem refutarent, se cum ipso conjungere, dimissos esse in Angliam. Eadem die & literæ Joh. Crowtheri Vice-Ammiralijs maris Hibernici, lectæ in Domo Communium, in eandem pene sententiam, licet non ita amplæ, quibus perscribat, se pene omnes portus Baronis Inchiquini navibus obsessos tenere.

Continuò Allenus aurifex movit, quandoquidem Baro Inchiquinus declarasset, se correspondere cum Presbyterianis in Parlamento, antequam agerent de inimicis foras, explorandum esse qui essent inimici intra Domum, adigendo omnes ad aliquod fœdus, obligationem aut protestationem &c. Et Cromwellus inquit, siquidem crastino mane disceptandum erit de hoc negotio, author essem ut ii, qui contrariis argumentis conabuntur actionem producere & retardare Processus, nigro carbone notentur: cui responsum fuit, hoc tendere ad tollendum libertatem

tatem opinandi quæ est *anima* Parliamentorum & omnium consultationum, & destructio ipsius essentia Parliamenti.

XIV Aprilis, suggestum fuit, Bar. Inchiqini filiolum octo aut novem annorum, Thistelworthæ Scholam frequentare, hunc obsidis loco in Turri custodiendum. Verum responsum fuit, neminem posse dare obsidem: oportere obsidem dari sub publica fide & quadam stipulatione, & ita recipi, mutuo consensu: iniquum esse puerum puniri ob Patris delictum: nihilo secius missus fuit in Turrem. Baronis Inchiqini commissio revocata, & ipse per duellis declaratus: licet nemo jurasset, nec examinatus, aut quisquam in Hilis inquis ad inquirendum: Capitalis autem illius inimicus *Lislejus* in locum ejus surrogatus: & fugitivi illi officarii remunerati, quasi acceptissima nova attulissent. Post illa *Reynoldus* in scenam reduxit quod *Allenus* superiori die proposuerat de novo fœdere &c. & declarandum, *liberum hoc esse Parliamentum, & se velle vivere & mori cum hoc Parlamento & exercitu*. Responsum primò, Statuto utriusque Domus omnibus injunctum subscribere Nationali fœderi: hoc esse verum Lydium lapidem Parliamenti, de quo convenerint sapientes utriusque Nationis. Multi hîc sedent qui nolunt obedire huic Statuto; nulla itaque ratio est cur quis obediat vobis in aliquo statuto hujus naturæ: observemus primò vetus, antequam instituamus novum. Secundò, motum fuit in hac Domo, Iuramenta Iustitiariorum Pacis & Vicecomitum Provinciarum abroganda esse, spero vos nolle tollere legalia juramenta, ut substituatis illegalia. Hæc Domus non habet auctoritatem administrandi juramentum, multominus imponendi; æquum est vos aliis concedere eam Conscientiæ libertatem quam vobis postulatis. Tertiò *Grayus* affirmavit vobis, Bar. Inchiqinum dixisse, se cor-

respondere cum Presbyterianis in Domo, qui pacem fecerint cum Rege : sed & Independentes tractare cum *Owen Roë Omeal* : purgent se hi prius, antequam illos vocetis ad examen, ne actus horum vis videatur. Quia verus Lydius lapis probandi integritatem uniuscujusque, examinare quoniam ditiores evaserint per temporum calamitates, & vobis serviendo; & qui contra inopes sint facti. Denique hæc nova machinatio ad evertendam Domum. Interea Grandes Domus partiti sunt Regnum inter se, quique in sua partitione protegentes deputatos terræ, & tributa ab illis capientes ob talem protectionem: & *Prideaux* cum sit Rex West-Saxonix, ejus Vice-Rex & Deputatus in Comitatu Sommerfettenfi, discurrens ille Colonellus *Io. Pynnus*, sæpe inspiratus vino Hispanico, regit Deputatos provincix per inspirationem. *Pynnus* ergo cum suis sequacibus, ut probaret se superioribus suis, petitionem adornavit contra Regem subscribendam ab incolis: qua gratias agunt Parlamento pro quatuor illis Votis contra Regem; & promittunt se victuros & morituros cum Parlamento & Exercitu; petuntque Comitatum liberari à malignantibus, neutris, & Apostatis: quo (ipsorum interpretatione) intelliguntur Presbyteriani & viri moderati, qui nolunt saltare circum pyram quam Independentes accenderunt in Regno. Orientalis partitio Comitatus Somerfettenfis rejecit petitionem: in Occidentali partitione, cum *Pynnus* & ei similes, misissent petitionem per sequestratores suos, minantes se pro malignantibus habituros & sequestraturos eorum bona, qui refutassent, multas subscriptiones nacti sunt: verum qui subscripserant, melius informati, de periculo & improbitate votorum retractarunt illa per contrariam petitionem, in qua declarant, subscriptionem suam ad priorem petitionem adversari suo Iudicio

cio & conscientia & extortam ipsis sequestratorum terrore & minis. Hæc ignominia punxit Deputatos & aperuit oculos regioni; quemadmodum similis fatuus intentatus, Henrici Milmay oculos Comitatus Essexia. Quapropter ut aliquod emplastrum reperiretur huic malo, Sergeantus *Wyldius* (qui suspendit cap. *Burlyum*) percurrens has partes operam dedit ut congregaret conventum magnum Iuratorum Schismaticorum sequestratorum, qui numero XIX subscripserunt petitioni: quam ille magna gravitate & comta oratione exhibuit. Hoc magna attentione Sanctorum & voluptate singulari audita. Colon *Purefroy* eadem egit in Comitatu Warwicensi; *Arthur. Haslerigus* circa Novum Castrum, alii aliis locis. Misera fulcimenta labantis autoritatis. Sed pergamus.

Veneris XXI Aprilis statutum oblatum Domui Communium *ad compescendum omnes tumultus & insurrectiones*: (deputati Domus Derbyæ jam ante amplam acceperant potestatem contra hæc:) verum reæ conscientia, licet satis rura, numquam sunt securæ; (instar *Caini*, metuunt ne quis obvis ipsos cædat.) Perlatum fuit post aliquot emendationes, in hunc modum: aliquos tres Commissarios habituros potestatem incarcerandi & sequestrandi omnes qui actualiter adhærebunt alicui eorum quo monebunt aut incitabunt movere Tumultus & Insurrectiones, aut loquentur aut edent, quod ignominiosum sit Parlamento, aut eorum actionibus. Videte quæso, hîc taxam impositam (parem valore omnibus quæ possides) cuius levi verbo; ad ruinam suam & posteritatis; sub prætextu defendendi *Leges & Libertates, & proprietates*, redacti estis in meram & absolutam servitutem & mendicitatem: ne quidem licet queri. Quis Tyrannus umquam fuit tam barbarus, ita inhumanus ut simile quid designaret? Tria sunt Principia in Lege valde ipsi chara & tangi

non patitur nisi in gravibus offensis, & probationibus & formalitatibus observatis, vita, Libertas & fortunæ, secundum *Magnam Chartam*, & *Petitionem Iuris*, & plura alia Statuta.

Nemo imprisonetur aut disseisetur nisi per legale Iudicium Patrium suorum. Fecistis populum fundere abundè pecuniam & sanguinem, prætextu defensionis Religionis, Legum & Libertatum, fruuntur nunc demum eo quod tam carè emerunt: & ne differte eos prætensa necessitate quam ipsi invenistis: omnia quæ ipsi cara sunt, obnoxia facitis tribus Commissariis, qui judicaturi sint & executuri pro libitu, sine Lege aut aliqua formalitate illius; & tamen utraque Domus Parlamenti sæpe promisit abolere hos Commissarios, homines quorum improbitatis & stultitiæ ipsos & totum Regnum meritò pudet. Verus elogium sive character Anglicæ nationis fuit, *Hilaris gens, cui libera mens & libera lingua.* Nunc verò compatriotæ mei, linguæ vestræ captivæ sunt, & corpora in carceribus, animæ in tenebris, Fortunæ in misericordia eorum qui nullius misereantur: *Vale Anglica Libertas.*

C A T A L O G V S

Eorum Membrorum quæ ab exercitu, conniventibus reliquis Membris in carceres fuere conclusa, aut aliter à confessu seclusa: cum jam certo constituissent Regem vitâ privare.

I N C A R C E R A T A.

Major. Gen. *Rich. Browne*.
 Col. *Iohn Birch*.
Thomas Boughton, Armiger.
Iohn Bulckley, Armiger.
Francis Bullur, Armiger.
Henricus Cholmeley, Eques.
Iohn Cloothwoorthy, Eques. Comit. Essex. Malden.
Lionellus Copley, Commissarius.
Ioannes Crew, Armiger.
Franciscus Drake, Armiger. Comit. Dorset Waymouth.
Waltherus Earle, Eques.
Nathaniel Fines, Armiger. Oxonii Comit. Bambury.
Gilbertus Gerards, Baronetus. Comit. Middelfexia.
Franciscus Gerard, Armiger.
Thomas Gevery, Armiger.
Giles Greene, Armiger.
Harbottus Grinstone, Baronettus.
Robertus Harley, Eques Balnei. Comit. Herefordia.
Eduardus Harley, Colonellus.
Anthonijs Irby, Eques. Com. Lincoln. Boston.
Richardus Knightley, Armiger.
Martinus Lister, Eques. Northampton. Comit.
Robertus Harley, Maur.
Eduardus Leigh, Colonellus.
Thomas Lane, Armiger.

Wilhelmus Lewes, Baronettus.

Samuel Luca, Eques.

Eduard Maffey, Major General.

Iohannes Merrick, Eques. Comit. Staffordiæ.

Richard Anesloe, Eques. Comit. Surreyæ.

Henricus Pelhamus, Armiger. Quem virum magni nominis in illo confessu fuisse ex eo liquet, quod absente Oratore Lenthallo in locum ipsius fuerit electus.

Wilhelmus Priestley, Armiger.

Wilhelmus Prynne, Armiger.

Robert Pye, Eques.

Benjamin Ruddyard, Eques. Qui vir inde ab ipso initio huius Parlamenti, cum M. Grimstono & Pymmio indefessam operam navavit, plures Orationes in confessu habuit, atque ita se gessit ut ab omnibus magnificeret.

Thomas Soame, Eques. Londinensis urbis.

Eduardus Stephens, Armiger.

William Strode, Colonellus, Devonix. Comit. Bereatston.

Iohannes Swinfax, Armiger.

Charles Vanghan, Armiger.

Eduardus Vanghan, Armiger.

Wilhelmus Wallerus, Eques. Multis rebus præclare gestis tam bello quàm pace, ita ut merito à suis prædicaretur, antequam turbo ille Exercitus in ipsum & alios incumberet.

Clemens Walker, Armiger.

Thomas, Vice-Comes *Wenman*.

Wilhelmus Wheeler, Armiger. Ita ut hîc numerentur membra omnino XLV. eaque facîle præcipua dignitate, natalibus & rebus gestis pro Parlamento, cum plenum & liberum esset; & Parlamentum Exercitui Leges daret, non tunc jam ab Exercitu cogeretur accipere: quàm miserè, nimium acriter contendendo pro libertate, ipsa Libertas amittitur!

SECLVSA MEMBRA

Quæ variis terriculamentis & fraudibus prohibita Do-
mum Communium ingredi & officio suo fungi.

M^r. Peregrinus Hobbye.

M^r. Iohannes Holcroft.

M^r. Georgius Horner.

M^r. Thomas Hodges.

M^r. Wilhelmus Iones.

Wilhelmus Knepton, Colonellus.

Northonus Knathpole, Eques.

M^r. Iacobus Cambellus, Ducat. Cornubiæ.

M^r. Capellus Luckinge.

Martinus Lumley, Eques.

M^r. Carolus Pym.

M^r. Henricus Peck.

Iohannes Pagrone, Eques.

Philippus Parckerus, Eques. Comit. Suffolkiæ.

Wilhelmus Playterus, Eques. Comit. Suffolkiæ.

M^r. Pelhamus.

Thomas Pelhamus, Eques. Comit. Suffexiæ.

Nervillus Pool, Eques. Comit. Wiltoniæ.

M^r. Eduardus Pool.

Eduardus Patridge, Eques.

Thomas Parckerus, Eques.

M^r. Thomas Porv.

M^r. Henricus Oxenden.

M^r. Arthurus Anesloo.

M^r. Arthurus Owen.

Dudlejus North, Eques. Cantabrig. Comit.

Robertus Needham, Eques.

M^r. Iohannes Nash.

Nicolaus Martin, Eques.

Thomas Middleton, Eques.

M^r. Thomas Middleton.

Oliverus Lucas, Eques.

Wilhelmus Litton, Eques. Comit. Hartfordia.

M^r. Henricus Lucas.

Wilhelmus Lister, Eques.

M^r. Iohannes Ash.

M^r. Robertus Packer.

M^r. Iohannes Harris.

Ioannes Scimor, Eques.

M^r. Samuel Vassall.

Robertus Napper, Eques.

Rogherus North, Eques.

M^r. Thomas Grove.

M^r. Ioannes Selman.

M^r. Herbertus Hay.

M^r. Robertus Gennes.

Ioannes Burgen, Eques.

Iohannes Barker, Colonellus.

M^r. Iohannes Nelthorpe.

M^r. Willielmus Onfield.

M^r. Willielmus Ellis.

M^r. Eduardus Wingate.

M^r. Ioannes Whadden.

M^r. Thomas Waller.

Richardus Win, Eques. Comit. Lancastr.

M^r. Richardus Wimwood.

Eduardus Asken, Eques.

Radolphus Ashton, Eques.

M^r. Matthæus Allen.

M^r. Ioannes Alford.
M^r. Michael Bidulfe.
M^r. Petrus Brooke.
Iohannes Booth , Colonellus.
M^r. Mauritius Barrow.
M^r. Ioannes Buller.
Ambrosius Brown , Eques.
Thomas Trever , Eques.
M^r. Simson Thetvell.
M^r. Thomas Thinne.
Iohannes Temple , Eques.
M^r. Thomas Temple.
M^r. Ioannes Thoma.
M^r. Samuel Terrick.
Hunfredus Tuston , Eques. Cantii Comitatus. Maidston.
M^r. Eduardus Thomas.
Ioannes Corbettus , Eques. è Prov. Salopienfi.
Eduardus Lord Clinton.
Ioannes Curson , Eques. Darbiæ Comitatus.
Thomas Dacres , Eques.
Wilhelmus Davies , Colonell.
M^r. Iohannes Dodrighde.
M^r. Thomas Earl.
M^r. Wilhelmus Edwards.
M^r. Carolus Rich.
Wilhelmus Spring , Eques.
M^r. Simon Snow.
M^r. Thomas Sands.
M^r. Georgius Scut.
Wilhelmus Lord Fitzwilliams.
M^r. Wilhelmus Hoxviff.
Ioannes Floid , Colonellus.

M^r. Ioannes Genninges,

M^r. Thomas Gell.

M^r. Franciscus Gawdey.

M^r. Samuel Gardiner.

M^r. Henricus Hungerford.

M^r. Denzill Hollis, Qui haud unam Orationem in Domo
Communium habuit. Deputatus Com. Dorset.

Franciscus Hollis, Eques. *Et diversi alii à Domo Commu-
nium fugati.*

Habes hîc xcviij. nominatim, inter quos quidam qui ab initio ipsius Parlamenti, autoritate, consilio & persuadendi facultate inter plures enituerunt. Videre est quàm facile fuerit Exercitui & iis qui ejusdem factionis cum ipsis fuerunt, quicquid pro libitu concludere, & pro Actis Parlamenti venditare. Sed hoc superat omnem impudentiam, quod è decretis paucorum, totius Populi Angliæ consentientem sententiam voluerunt demonstrare. Omnes omnino Comitatus, & in singulis Comitatibus urbes & burga, quibus hoc juris est, mittunt ad Parlamentum suos Deputatos. Non tamen cum ulla instructione, sed libera potestate consultandi, votandi, agendi per & secundum Leges Regni & antiqua jura Parlamenti, unde ne quidem tenerentur rationem reddere à quibus electi sunt de iis quæ secundum judicium proprium & conscientiam suam votaverunt. Quis autem nunc rectè concluderit N. N. è tali Comitatu, hoc aut illud inter deliberandum censuit, fuit ergo totius populi illus Comitatus idem judicium. Quàm hæc sint absfona & periculosa, quivis videt.

SEX SERIÆ QVÆSTIONES

*Concernentes Regis Examen coram Novo Supremo
Tribunali Iustitia.*

I.

Vtrum *Rex* trium distinctorum *Regnorum*, possit condemnari & supplicio affici ab uno tantum *Regno*, citra concurrentem *consensum*, aut contra iudicium reliquorum duorum?

II.

Vtrum, si *Rex* fuerit postulatus aut accusatus *criminis læsa Majestatis*, non oporteat illum examinari aut judicari à *Paribus suis*? & utrum ii qui jam sunt nominati ad iudicandum, aut alii quivis intra Regnum, sint Illius Pares?

III.

Vtrum, si *Rex* judicari possit ab ullo Tribunali, ob *proditionem* adversus *Regnum*, non oporteat Ipsum, judicari solummodo in pleno *Parlamento*, modo maximè solemni & publico, *coram omnibus Membris utriusque Domus*, tam honorabili via, ut *Straffordus* fuit, in principio hujus Parlamenti? Et an non oporteat Illum habere *Libertatem & Tempus* adornandi *plenam defensionem*, & beneficium *docti ipsius consilii*, in omnibus materiis *Legis*, quæ possint emergere, in aut circa Ipsius examen, aut circa exceptionem contra Iurisdictionem hujus *Illegalis novi Tribunalis*, ut *Straffordus* & *Canterburienfis* habuère?

IV.

Vtrum solum octava pars Membrorum Domus Communium, convenientium in Domo, sub *Exercitus violentia* ubi reliqua membra sunt violenter *restricta*, *seclusa* & dispersa per *Exercitus violentiam*, repræsentantium haud supra

octavam partem Comitatuum, Civitatum & Burgorum Regni, citra *consensum* & contra *Vota majoris partis Membrorum*, exclusorum & fugatorum, & *Domus Parium*, sub quovis prætextu *Authoritatis*, *Legis*, aut *Iustitiæ*, possit erigere *Novum magnum Tribunal Iustitiæ* ad examinandum Regem, in quo reliqua Membra, Pares & Regnum (longe major pars existens) majus Interesse habent quam ipsi? Vtrum tale supremum Tribunal erigi possit sine *Acto Parlamenti*, aut saltem ordinatione utriusque Domus, & *commissione* sub grandi Sigillo Angliæ? Et si non, utrum hoc proprie appellari possit *Tribunal Iustitiæ*? & utrum sit superius an inferius iis qui illud crexerunt? qui aut non possunt aut non audent examinare & condemnare Regem in Domo Communium; licet illam jam appellent *Supremam auctoritatem Regni*: Et utrum omnes qui sedebunt ut *Iudices*, aut agent ut officarii in eo ad deponendum, & auferendum Regis vitam, non sint realiter rei criminis læsæ Majestatis & omnes qui adjuvârunt & adstiterunt erectioni ejus secundum tam irregularem modum, secundum Legem & Statuta hujus Regni?

V.

Vtrum illi qui sunt *professi inimici Regis*, & per *Remonstrantias* suas, *Orationes* & *Actiones* profitentur, se *fitire Illius sanguinem*, & *querere Illius vitam*, possint aut per *Legem* aut *conscientiam* æstimari competentes Iudices, ad examinandum Illum quoad vitam? Cum sit justa exceptio adversus quemvis *Iuratum virum*, qui examinaturus sit vilissimum & pauperrimum *felonem*, & legalis oppositio cur debeat abstineri; quod sit professus inimicus & persecutor qui quærat illius vitam, & propterea haud legalis aut indifferens examinador illius, de ea.

VI. Vtrum

Vtrum iudicium, & ablatio vitæ Regis; per tam illegale & arbitrarium *Supremum tribunal Iustitiæ*, uti hoc, non sit se probaturum valde periculosum ingressum, ad absolutissimam *Tyrannidem & maxime* sanguinariam carnificinam, qualis umquam audita fuerit, aut usitata in hac aut alia aliqua Natione? & trita via, quâ doceamur, alii aliorum capita demetere donec omnes destruiamur. Nam si possunt auferre Regis caput, citra & contra omnes regulas Legis: per eandem & fortiorem rationem ad eundem modum poterunt demetere caput cuiusvis *Nobilis, Paris, Membri, generosi* aut inferioris subditi ob aliquam *imaginariam proditionem* aut *offensam*, & confiscare eorum bona, cum nemo possit assecurare illos desituros in Rege. Et si illi, quos constat esse *Majorem partem Domus Communium* (vide *Responsum Generalis consilii officiariorum concernens captiva & seclusa Membra Ianuar. 111. ¹⁶⁴¹/₁₆₄₂*) & propterea exclusam; aut Princeps Walliæ proximus hæres Coronæ, aut *Malignans pars*, aut alia quævis factio qualiscunque, quæ posset insurgere, aliquo tempore superior evaderet, per populum generaliter ipsis adhærentem, aut aliqua divisio Exercitus, aut alio aliquo modo, quem *Dei providentia* posset subministrare (qui 1000 habet vias dejiciendi arrogantissimos Tyrannos, & dissipandi validissimos exercitus in momento; ut fecit *Sennacheribis, Midianitarum & Moabitæ* & *Ammonitarum*, & plurium aliorum quorum mentio extat in S. Scripturis & profanis Historiis, & *Scotici exercitus* paucis mensibus elapsis) illi poterunt per similem auctoritatem & exemplar, erigere novum Tribunal, ad demetendum capita omnium Membrorum quæ nunc sedent, & præsentis *Generalis concilii* Exercitus, & omnium *Commissariorum* æstantium in hoc novo Tribunali: & ita

aggredi cædes & carnificinas promiscuè inter nos, donec omnes destruamur, & fiamus spectaculum maximè innaturalis Tyrannidos & crudelitatis toti orbi, Angelis & hominibus & præda communibus inimicis. Post hanc considerationem, unusquisque serio imponat manum pectori suo, & gnaviter perpendat, quid sanguinarius & tragicus exitus hujus novi Phalaridis tauri, aut sibi aut suis posset afferre? & utrum quisque *liberè natus* Anglus (præsertim nobilioris generis, & amplioris fortunæ) non extremè sit obligatus, per prudentiam & conscientiam, uti summo studio, cum periculo vitæ & fortunarum ad prævortendum erectionem tam *exorbitantis & illegalis authoritatis*, in ipso ortu & fundatione, antequam serum sit nimis; & non patienter tolerare audacem & inconsideratum numerum præfervidorum (*vilis conditionis & fractarum desperationè fortunarum*, maximam partem) è privata *malitia*, terrore aut proposito securandi & locupletandi seipsos per eversionem aliorum, quibus *meliores sunt fortuna & qualitates*, erigere novam scenam, ad occidendum *Regem*, *Nobiles*, *Parlamentarios homines*, *Generosos*, & personas cujusvis conditionis, qualis numquam audita fuit inter *Paganos* aut *Christianos*, à *Creatione* ad hoc tempus, & qualis neutiquam congruit cum Anglico nostro solo, jam satis superque inundante Anglico sanguine; & tam profunde obligato contra omnes arbitrarias & *Tyrannicas usurpationes* & processus (præsertim capitales) in manibus quorumcunque, quæ nobis constituerunt tanto sanguine & Thesauro, opponendo & pugnando adversus illas hisce septem annis proximè elapsis.

F I N I S.

